

唐劉隨州詩集目錄

隨州刺史劉禹錫表

卷之卷

逢芙蓉山主人

送張起崔載華

贈秦系徵君

感秦系流寓

夜中對雪贈秦系

湘妃

斑竹

春草宮懷古

正朝覽鏡

送李端公

送張十八

尋岑秀才不遇

聽彈琴

偶見葵成詠

見桃花晚開

送崔真甫李穆 四首

寄許法稜

送方外上人

送靈澈上人

答崔載華問

過劉員外別墅次自田途中

江中對月

碧澗別墅

招明契上人

送少微上人

七里灘下作

對酒寄嚴維

新年作

簡吏部楊侍郎製文

送宣尊師醮畢歸越

送裴郎中

送裴使君

酬皇甫侍御見寄

月下呈章秀才

此題甚不妥當云未放之研
回奉簡

酬張夏

送李使君

觀體如師梵

途中苦寒作

尋洪尊師不遇

喜鮑禪師至

送方外上人

宿北山禪寺蘭若

別梁侍郎

留別薛柳員外

留別穆郎中

送人歸復郢

送金昌宗

酬張夏見寄

奉送穆論德

偶然作

送孫沅新居

送李員外使還蘇州

酬李員外見寄

秦系山居作

當云酬張夏苦寒作

柳下當有二字

論宋談論

宋無歸字不可

酬秦系

歲日作

題開元所居

送崔載華張起

送張司直

寄徐侍郎

送朱山人歸別業

喜普門上人至

送李祕書

過張明府郊居

次柳楊過元八所居

送李侍御

寄普門上人

寄鄭協律

岳陽館中

留別鄭洵侍御

送屈突司直

卷之六

宋本目錄自送屈突司直
以下關以鈔本校

雨中山居贈別

送李中丞

奉使至申州

穆陵關北

安州道中

步登夏口古城

贈別盧司直

酬郭夏見贈

書情寄故人

餘干旅舍

登思禪寺

次前溪

北歸

將過虎丘

寄元侍郎

秋杪江亭

送鄭司直

送靈澈上人

留別蘇臺

和靈一上人新泉

別皇甫曾

送李摯

送裴員外

別李紆張南史

送侯御

登臺遠眺

送梁二

送崔昇

過李將軍園觀妓

送嚴侍御

送王端公

送鄭侍御

送李校書

登城眺望

陪王明府泛舟

送若侍御

餞前蘇州常使君

晚次苦竹館

送李二十四

送盧判官

宋本自送名侍御以上獻

送張栩

集梁耿所居院

贈盧少府

遊雙峰寺

見桃花寄杜副端

送盧員外

送處士歸州

次峴陽館懷舊居

送齊郎中

送屈突司直

送從弟罷使江東

經漂母墓

送李端公

送王員外

送蔣侍御

寄李湯司馬

送舍弟之鄱陽居

送裴端公

過桃花夫人廟

送程使君

送友人西上

送梁郎中

過羊處士別業

送河南元判官

見海紅一花獨開

使還至菱陂驛

送齊郎中

過隱空和尚故居

過蕭尚書故居

送袁處士

酬李侍御登岳

卷之五

送徐郎中

聽彈胡琴

過王處士別業

寄萬州崔使君

送馬秀才

送南特進

送道標上人

送梁侍御

歲夜

送蔡侍御

陪辛大夫宴南亭

送獨孤判官

長沙館中對雨

陪辛大夫宴觀妓

題萬成亭

春過裴虬郊園

送常贊善

送喬判官

送青苗鄭判官

送李補闕

送袁明府

海鹽官舍早春

送徐二十七

曲阿對月

送李侍御

送路少府

松江獨宿

尋真禪師舊草堂

送張司馬廻

喜李翰自越至

寄張十四

送勤照和尚

長門怨

過橫顧山人草堂

送李校書

秋夜雨中

西庭夜燕

尋道人隱居

張十宅觀妓

留辭前蘇州常使君

送薛承矩

餞別王十一

送嚴維

送李七之苻水

送崔處士

送淮西魏判官

獄中見壁畫佛

送許拾遺

送張七判官

送孫瑩擢第歸蜀

送史九赴任寧陵

卧病喜田九見寄

寄靈一上人

訪靈一上人

送陸羽寄李延陵

寄靈一上人初還

寄靈一上人

送韓司直

酬李郎中見寄

送人遊越

贈普門上人

送康判官

宿洞靈觀

送顧長

九日登李明府北樓

同諸公登樓

送友人南遊

送裴二十一

送張判官

罷使東歸

早春

送鄭判官

卷之四

過包尊師山院

故女道士郭氏挽歌

少年行

送李二十四

此題疑有誤對李連下居曲別不合

山居留別

贈皇甫曾

湘中紀行

十首

雜詠

八首上禮部李侍郎

本台

寄李侍郎

晚泊湘江懷故人

過鄔二湖上書齋

月下聽砧

龍門八詠

從軍

六首

送丘為

題湖上高齋

平蕃曲

三首

送鄭說

題湖上林亭

酬李使君見贈

送嚴維

酬包諫議見寄

尋明徵君故居

和趙給事贈李舍人

酬呂侍御

登遷仁樓訓孀李穆

別李氏女子

長沙早春雪後

西入石路至麓山

陪鄭中丞宴

送鄭十二

尋陶十七不在

上李太尉

卷之五

同袁郎中宴喜加章服

送鄒結先赴河南

送徐大夫赴廣州

九日蔡國公主樓

送荀八過山陰

餞元侍郎

餞郎中四兄

送賈侍御

王處士草堂畫壁

陳留諸官茶會

泊舟臨江樓

靈祐上人木蘭花

宿嚴維宅送包結

送從弟貶袁州

送友人遊越

送邵州判官往南

寄韓明府

別陳留諸官

觀李湊畫美人障子

送史判官之靈武

寄褚徵君

石梁湖陸蕪

送沈少府之任

送馬處直歸蘇

寄東海荀處士

懷灞陵別業

題幽寂亭

餘干東齋

贈元容州

送楊明府

和杜相公呈元相公

留辭辛大夫

簡同遊諸公

酬孟雲卿見寄

字存仕荀處士滋

送李侍御

南楚懷古

南樓憶朱宴

送姚八之任

贈李司倉

懷謝太虛

詠竹

宴子英宅

寄荆南相識

九日岳陽

卷之六

題王少府隱處

次湖口

陪元侍御之礪山寺

晚泊古橋封

夢洛陽親故

憶荆南諸公

贈苗侍郎

寄李舍人

哭魏蕪遂

登于越亭作

題李嘉祐江亭

留題李明府水堂

入白沙渚

懷演和尚

賈侍御會稽使迴

秋日獻李相公

晚泊留侯城

關門望華山

陪蕭使君尋靈山寺

懷古蕪送友人

宿雙峰寺

懷洛陽舊居

登西靈寺塔

湖上遇鄭田

贈郭少府

簡同行薛棄朱訓

對雨贈馬少府諸友

李侍御河北使迴

寄淮南蕭判官

哭張員外經

簡演公

送從弟之淮南

落第贈楊侍御

題李嘉祐江亭

宿侯尊師草堂

卷之七

寄使院諸公

題武丘寺

餞鄭中丞

送素回判官

旅次丹陽

客舍贈別常九

送元八

太行苦熱行

辭洛陽主簿

題寬句宋少府聽

留辭李侍御

贈別于群

送薛據宰涉縣

贈別趙居士

夜宴程主簿宅

瓜洲驛餞張侍御

攝海鹽令

卷之八

尋張逸人山居

留別鮑侍御

送陸澧還吳中

酬梁耿別後見寄

重送嚴維

重送嚴維

家園瓜熟感舊

重送裴郎中

尋盛禪師蘭若

寄許尊師

酬李穆

送王司馬

寄別朱拾遺

赦後酬主簿所聞

贈秦系

酬靈澈公相招

贈崔載華

贈日本聘使

送陸使君

送張篆之

聞沈判官至

送劉萱

過鄭山人所居

送賀若郎中

重送梁郎中

烏江道中

新息道中

春日宴水湘亭

重送道標上人

送李判官

別李十二

春日思歸

送陶十

使還逢薛承規

使迴赴蘇州

昭陽曲

聞長洲軍笛

贈微上人

送朱逸人歸

送李十八

送李穆歸淮南

觀李湊畫

送盧侍御

送崔真甫

送陸澧

送柳使君

戲題贈二小男

簡賀蘭侍郎

歲日寄裴郎中

重別薛柳二員外

送人歸岳州

送靈澈上人還

送耿拾遺

見李均借鏡

餞王相公出牧

題靈祐和尚故居

尋龍井楊老

和樊使君登城樓

聞虞沔州有替將歸

卷之九

獻節度李相公

觀校獵上淮西相公

送皇甫曾

送李錄事兄歸

漢陽獻李相公

長沙過賈誼宅

酬辛大夫喜雪作

登餘干古縣城

留題遠公院

喜量移贈鄭校書

偶逢李光宰

贈袁贊府

題褚少府湖亭

上巳日貶舟耶溪

哭故人李宥

使次安陸寄友人

哭陳欽州

酬屈突陝

送惠法師

寄沅中丞

送侯中丞

別嚴士元

留別淮南使院諸公

罪所上御史惟則

送李使君

獄中聞有赦

溫湯客舍

送孫逸歸廬山

送馬秀才落第歸

送常十九

送宇文遷明府

送李將軍

西陵寄一上人

賦得

李明府後庭泛舟

喜朱拾遺赴任上都

送常司士

感懷

送楊於陵

哭陳使君

送崔使君

上陽宮望幸

過裴舍人故居

北望故園

秋夜有懷

送孔巢父

送郭主簿赴嶺南

客舍喜鄭三見寄

送賈三北遊

齊一和尚影堂

卷之奉

留別司倉李萬

聽笛歌

送范倫

小鳥篇上裴尹

登吳古城歌

疲兵篇

送陸灋歸江陰

弄白鷗歌

贈般若禪師

贈湘南漁父

尋賀九不遇

題孤石

送友人東歸

入桂渚

送李康成

送姨子弟

銅雀臺

王昭君歌

送杜越

湘中憶歸

送郭侍從之武陵

山鸚鵡歌

懷許法稜

戲贈干越尼子歌

卷之十卷

冰賦

錢希卿赴婺州序

饒蕭郎中赴潤州序

張僧繇畫僧記

祭蕭相公文

祭崔相公文

祭閻使君文

祭董兵馬使文

祭故吏行官文

鄭氏墓誌銘

外集

以下何本目錄無

重送

恩勅重推使

次前溪館作

劉展平後

送裴二十七端公

使嶺南

雙峰下

故人李宥

雲秋嶺

同山陽

浮丘舊隱處

橫龍渡

赤沙湖

寄上浙西節度李侍郎中丞行營五十韻

宋本作劉隨州文集
十行十八字

唐劉隨州詩集目錄

唐劉隨州詩集卷第一

第一卷

逢雪宿芙蓉山主人

隨州刺史劉

長卿

隨字与第九字齊長卿二字差小一

日暮蒼山遠天寒白屋貧柴門聞犬吠風雪夜歸人

送張起崔載華之閩中

朝無寒士達家在舊山貧相送天涯裏憐君更遠人

贈秦系徵君

群公誰讓位五柳獨知貧惆悵青山路煙霞老此人

秦系頃以家事獲謗因出舊山每荷觀察崔公

見知欲歸未遂感其流寓詩以贈之

初迷武陵路復出孟嘗門迴首江南岸青山與舊恩
夜中對雪贈秦系時秦初與謝氏離婚謝氏在

越

月明花滿地君自憶山陰誰遣因風起紛紛亂此心

湘妃

帝子不可見秋風來暮思嬋娟湘江月千載空蛾眉

斑竹

蒼梧千載後斑竹對湘沅欲識湘妃怨枝枝滿淚痕

春草宮懷古

君王不可見芳草舊宮春猶帶羅裙色青青向楚人

正朝覽鏡作

憔悴逢新歲茅扉見舊春朝來明鏡裏不忍白頭人

瓜洲道中送李端公南渡後歸揚州道中寄

片帆何處去匹馬獨歸遲惆悵江南北青山欲暮歸

送張十八歸桐廬

歸人乘野艇帶月過江村正落寒潮水相隨夜到門

過白鶴觀尋岑秀才不遇

不知方外客何事鎖空房應向桃源裏教他喚阮郎

聽彈琴

泠泠七絲上靜聽松風寒古調雖自愛今人多不彈

忍抄本作認

宋本歸

他抄本作人

遊南國偶見在陰墻下葵因以成詠

此地常無日青青獨在陰太陽偏不及非是未傾心
入百丈澗見桃花晚開

百丈深澗裏過時花欲妍應緣地勢下遂使春風偏
送子婿崔真甫李穆往揚州

渡口發梅花山中動泉脉蕪城春草生君作揚州客
其二

半邏鶯滿樹新年人獨還落花逐流水共到茱萸灣
其三

雁還空渚在人去落潮翻臨水獨揮手殘陽歸掩門

其四

狎鳥携稚子釣魚終老身殷勤囑歸客莫話桃源人

○○寄龍山道士許法稜

悠悠白雲裏獨住青山客林下晝焚香桂花同寂寂

送方外上人

孤雲將野鶴豈向人間住莫買沃洲山時人已知處

○○送靈澈上人

蒼蒼竹林寺杳杳鍾聲晚荷笠帶夕陽青山獨歸遠

茱萸灣北答崔載華問

荒涼野店絕迢遞人煙遠蒼蒼古木中多是隋家苑

赴楚州次自田途中阻淺問張南史

楚城今近遠積霽寒塘暮水淺舟且遲淮潮至何處

○江中對月

對本下五首缺

此題詩缺

空洲夕煙斂望月秋江裏歷歷沙上人月中孤渡水

○碧澗別墅喜皇甫侍郎相訪

荒村帶返照落葉亂紛紛古路無行客寒山獨見君
野橋經雨斷澗水向田分不為憐同病何人到白雲

初到碧澗招明契上人

漸老知身累初寒曝背眠白雲留永日黃葉減餘年
猿護窓前樹泉澆谷後田沃洲能共隱不用道林錢

過劉員外別墅 附皇甫曾
謝客開山後亦非水去通江湖十
里別長老一博同反照寒川滿
平田暮雪空澗洲自有趣不復
哭途窮

○送少微上人遊天台

石橋人不到獨往更迢迢乞食山家少尋鍾野路遙
松門風自掃瀑布雪難消秋夜聞清梵餘音逐海潮

○却歸睦州至七里灘下作

南歸猶謫宦獨上子陵灘江樹臨洲晚沙禽對水寒
山開斜照在石淺亂流難惆悵梅花發年年此地看

對酒寄嚴維

陌巷喜陽和衰顏對酒歌懶從華髮亂閑任白雲多
郡簡容垂釣家貧學弄梭門前士里瀨早晚子陵過

○新年作

酬劉員外見寄 附嚴維
蘇耽佐郡時近出白雲司藥
補清羸疾窓吟絕妙辭柳塘
春水慢花塢夕陽遲欲識懷
君意朝訪楫師

鄉心新歲切天畔獨潛然老至居人下春歸在客先
嶺猿同旦暮江柳共風煙已似長沙傳從今又幾年
朱放自杭州與故里相使君立碑回因以奉簡
吏部楊侍郎製文

似近本作是不通

片石羊公後淒涼江水濱好辭千古事墮淚萬家人
鵬集占書久鸞回刺篆新不堪相顧恨文字日生塵
送宣尊師醮畢歸越

吹簫江上晚惆悵別茅君踏火能飛雪登刀入白雲
晨香長日在夜磬滿山聞揮手桐溪路無情水亦分
送裴使君赴荆南行軍司馬

盛府南門寄前程積水中月明臨夏口山晚望巴東
故節辭江郡寒笳發渚宮漢川風景好遙羨逐羊公
送裴郎中貶吉州

亂軍交白刃一騎出黃塵漢節同歸闕江帆共逐臣
猿愁岐路晚梅作異方春知己鄴侯在應憐脫粟人
酬皇甫侍御見寄時前相國姑臧公初臨郡
離別江南北汀洲葉再黃路遙雲共水砧迥月如霜
歲儉依仁政年衰憶故鄉佇看宣室召漢法倚張綱

月下呈章秀才

自古悲搖落誰人柰此何夜蛩偏傍枕寒鳥數移柯

寄劉員外 附皇甫曾
南憶新安郡千山帶日陽
知夜久秋草助江長
應成素紅松筠青
愛才得漢帝題柱在田郎
酬劉員外 附章八元
夜分一作河漢白卷箔出南軒
月鴻爭逐辭枝葉暗翻獨
間展曲緩步接清言宣室思
前席行看拜主恩

向老三年謫當秋百感多家貧誰好月空媿子猷過
○○酬張夏

幾歲依窮海頽年惜故陰劍寒空有氣松老欲無心
翫雪勞相訪看山正獨吟孤舟且莫去前路水雲深
送李使君貶連州

獨過長沙去誰憑此路愁秋風散千騎寒雨泊孤舟
賈誼辭明主蕭何識故侯漢廷當自召湘水但空流

秋夜北上精舍觀體如師梵

焚香奏仙唄向夕遍空山清切兼秋遠威儀對月閑
靜分巖響答散逐海潮還幸得風吹去隨人到世間

酬張夏雪夜赴州訪別途中苦寒作

扁舟乘興客不憚苦寒行晚暮相依分江潮欲別情
水聲冰下咽砂路雪中平舊劒鋒鏖盡應嫌贈脫輕
○○尋洪尊師不遇

古木無人地來尋羽客家道書堆玉按仙帔疊青霞
鶴老難知歲梅寒未作花山中不相見何處化丹砂
喜鮑禪師自龍山至

故居一作山何日下春草欲芊芊猶對山中月誰聽石
上泉猿聲知後夜花發見流年杖錫閑來往無心到
處禪

送方外上人之常州依蕭使君

宰臣思得度鷗鳥戀為群遠客迴飛錫空山卧白雲
夕陽孤艇去秋水兩溪分歸共臨川史同翻貝葉文

○宿北山禪寺蘭若

上方鳴夕磬林下一僧還密行傳人少禪心對虎閑
青松臨古路白日滿寒山舊識窓前桂經霜更待一作
得攀

赴新安別梁侍郎

新安君莫問此路雲水深江海無行跡孤舟何處尋
青山空向淚白月豈知心縱有餘生在終傷老病侵

江州留別薛六柳八二員外

江海相逢少東南別處長獨行風嫋嫋相去水茫茫
白首辭同舍青山背故鄉離心與潮信每日到潯陽
和州留別穆郎中

播遷悲遠道搖落感衰容今日猶多難何年更此逢
世交黃葉散鄉路白雲重明發看煙樹唯聞江北鐘
和州送人歸復郢

因家漢水曲相送掩柴扉故郢生秋草寒江淡落暉
綠林行客少赤壁住人稀獨過潯陽去潮歸人不歸
○送金昌宗歸錢塘

新家浙江上獨泛落潮歸秋水照華髮涼風生褐衣
柴門嘶馬少藜杖拜人稀惟有陶潛柳蕭條對掩扉
酬張夏別後道中見寄

離群方歲晏謫宦在天涯暮雪同行少寒潮欲上遲
海鷗知吏傲砂鶴見人衰只畏生秋草西歸亦未期
新安奉送穆諭德歸朝賦得行字

九重宣室召萬里建溪行事直皇天在歸遲白髮生
用材身復起覩聖眼猶明離別寒江上潺湲若有情

偶然作

野寺長依止田家或往還老農開古地夕鳥入寒山

書劍身同廢煙霞吏共閑豈能將白髮扶杖出人間

送州人孫沅自本州却歸句章新營所居

故里歸成客新家去未安詩書滿蝸舍征稅反漁竿

火種山田薄星居海島一作鳥寒憐君不得已步步別

離難

送李員外使還蘇州兼呈前袁州李使君賦得

長字袁州即員外之從兄

別離共成怨一作誠衰老更難忘夜月留同舍秋風

在遠鄉朱絃徐向燭白髮強臨觴歸獻西陵作誰知

此路長

鳥字佳用
及居避風

○○酬李員外從崔錄事

對本有載華宿三河或先見寄九字

寒江鳴石瀨歸客夜初分人語空山答猿聲獨戍聞
遲來朝及暮愁去水連雲歲晚心誰在青山見此君

見秦系離婚後出山居作

豈知偕老重垂老絕良姻郝氏誠難負朱家自愧貧
綻衣留欲故織錦罷經春何況薜蘿綠一作空山不
見人

酬秦系

鶴書猶未至那出白雲來舊路經年別寒潮每日迴
家空歸海燕人老發江梅最憶門前柳閑居手自栽

歲日作

建寅迴北斗看曆占春風律變滄江外年加白髮中
春衣試稚子壽酒勸衰翁今日陽和發榮枯豈不同
題元錄事開元所居

幽居蘿薜情高卧紀綱行鳥散秋鷹下人閑春草生
冒嵐歸野寺收印出山城今日新安郡因君水更清
送崔載華張起之閩中

不識閩中路遙知別後心猿聲入嶺切鳥道問人深
旅食過夷落方言會越音西征開幕府早晚用陳琳
送張司直越嶺南謁張尚書

番禺萬里路遠客片帆過盛府依橫海荒祠拜伏波
人經秋瘴變鳥墜火雲多誠憚炎洲裏無如一顧何

寄會稽公徐侍郎

公時在王傳

搖落淮南葉秋風想越吟鄒枚入梁苑逸少在山陰
老鶴無衰貌寒松有本心聖朝難稅駕惆悵白雲深

○送朱山人越州賊退後歸山陰別業

越州初罷戰江上送歸橈南渡無來客西陵自落潮
空城垂故柳舊業廢春苗閭里相逢少鶯花共寂寥

秋夜肅公房喜普門上人自陽羨山至

山樓久不見林下偶同遊早晚來香積何人住沃洲

寒禽驚後夜

一作獨夜
一作後晚

古木帶高秋却入千峰去孤

雲不可留

送李秘書却赴南中

此公舉家先流嶺外
兄弟數人俱沒南中

却到番禺日應傷昔所依炎洲百口住故國幾人歸
路識梅花在家存棣萼稀獨逢迴鴈去猶作舊行飛

過前安宜張明府郊居

寂寥東郭外白首一先生解印孤琴在移家五柳成
夕陽臨水釣春雨向田耕終日空林下何人識此情

使迴次柳楊過元八所居

君家楊柳渡來往落帆過綠竹經寒在青山欲暮多

薜蘿誠可戀婚嫁復如何無柰閑門外漁翁夜夜歌

送李侍御貶郴州

洞庭波渺渺君去吊靈均幾路三湘水全家萬里人
聽猿明月夜看柳故年春憶想汀洲畔傷心向白蘋

寄普門上人

白雲幽卧處不向世人傳聞在千峰裏心知獨夜禪
辛勤羞薄祿依止愛閑田惆悵王孫草青青又一年

逢郴州使因寄鄭協律

相思楚天外夢寐楚猿吟更落淮南葉難為江上心
衡陽問人遠湘水向君深欲逐孤帆去茫茫何處尋

岳陽館中望洞庭湖

萬古巴丘戍平湖此望長問人何淼淼愁暮更蒼蒼
疊浪浮元氣中流沒太陽孤舟有歸客早晚達瀟湘
巡去岳陽却歸鄂州使院留別鄭洵侍御侍御

謫居此州

何事長沙謫相一作長逢楚水秋暮帆歸夏口寒雨對
巴丘帝子椒漿奠騷人木葉愁誰憐萬里外離別洞
庭頭

夏口送屈突司直使湖南

共悲來夏口何事更南征霧露行人少瀟湘春草生

宋本作憶

鷓鴣啼何處。夢猿嘯若爲聲。風月新年好。悠悠遠客情。

唐劉隨州詩集卷第一

唐劉隨州詩集卷第二

隨州刺史劉長卿

雨中過員稷巴陵山居贈別

憐君洞庭上白髮向人垂。積雨悲幽獨。長江對別離。
牛羊歸故道。猿鳥聚寒枝。明發遙相望。雲山不可知。

送李中丞之襄州

李一作季一無之襄州三字者

流落征南將。曾驅十萬師。罷歸無舊業。老去戀明時。
獨立三朝識。輕生一劍知。茫茫漢江上。日暮復何之。
奉使至申州傷經陷沒

舉目傷蕪沒。何年此戰爭。歸人失舊里。老將守孤城。

廢戍山煙出荒田野火行獨憐澗水上時亂亦能清
穆陵關北逢人歸漁陽

逢君穆陵路匹馬向桑乾
楚國蒼山古幽州白日寒
城池百戰後耆舊幾家殘
處處蓬蒿遍歸人掩淚看
安州道中經澧水有懷

征途逢澧水忽似到秦川
借問朝天處猶看落日邊
映沙晴漾漾出澗夜濺濺
欲寄西歸恨微波不可傳
步登夏口古城作

平蕪連古堞遠客此沾衣
高樹朝一作光上空城秋
氣歸微明漢水極搖落
楚人稀但見荒郊外寒鷗暮

暮飛

贈別盧司直之閩中

爾來多不見此去又何之
華髮同今日流芳似舊時
洲長春色遍漢廣夕陽遲
歲歲王孫草空憐無處期

酬郭夏人日長沙感懷見贈

此公北經流
竄親在上都

舊俗歡猶在憐君恨獨深
新年向國淚今日倚門心
歲去隨湘水春生近桂林
流鶯且莫弄江畔正行吟
赴南巴書情寄故人

南過三湘去巴人此路偏
謫居秋瘴裏歸處夕陽邊
直道天何在愁容鏡亦憐
裁書欲誰訴無淚可潸然

餘干旅舍

搖落暮天迥青楓霜葉稀孤城向水閉獨鳥背人飛
渡口月初上隣家漁未歸鄉心正欲絕何處搗寒衣

登思禪寺題脩竹茂松

上方幽且暮臺殿隱蒙籠遠磬秋山裏清猿古木中
衆溪連竹路諸嶺共松風儻許棲林下甘成白首翁
勅恩重推使牒追赴蘇州次前溪館作

漸入雲峰裏愁看驛路閑亂鷗投落日疲馬向空山
且喜憐非罪何心戀末班天南一萬里誰料得生還
北歸次秋浦界清谿館

萬里猿啼斷孤村客暫依鴈過彭蠡暮人向宛陵稀
舊路青山在餘生白首歸漸知行近北不見鷓鴣飛
謫官後却歸故村將過虎丘悵然有作

萬事依然在無如歲月何邑人憐白髮庭樹長新柯
故老相逢少同官不見多唯餘舊山路惆悵枉帆過
重推後却赴嶺外待進止寄元侍郎

却訪巴人路難期國士恩白雲從出岫黃葉已辭根
大造功何薄長年氣尚寬空令數行淚來往落湘沅

秋杪江亭有作一作秋杪干越亭

寂寞江亭下江楓秋氣斑一作日暮更愁世情何處

澹一作淡湘水向人閑寒渚一孤鴈夕陽一作秋江千萬山
扁舟如一作將落葉此去未知還一作俱在洞庭間

送鄭司直歸上都

歲歲逢離別蹉跎江海濱宦遊成楚老鄉思逐秦人
馬首歸何日鶯啼又一春因君報情舊閑慢欲垂綸

送靈澈上人歸嵩陽蘭若

南地隨緣久東林幾歲空暮山門獨掩春草路難通
作梵連松韻焚香入桂叢唯將舊瓶鉢却寄白雲中
却赴南邑留別蘇臺知己

又過梅嶺上歲歲此枝寒落日孤舟去青山萬里看

猿聲湘水靜草色洞庭寬已料生涯事唯應把釣竿

和靈一上人新泉

東林一泉出復與遠公期石淺寒一作淺流處山空

夜一作暮落時一作處空山夜月時夢閑聞一作歸細響慮澹

對一作向清漪動靜皆無意一作如此唯應達一作道者知

將赴江南湖上別皇甫曾

此去君何恨南行我更遙東西湖渺渺離別雨蕭蕭
綠水通春谷青山過板橋潯陽如枉棹千里有歸潮

一作梳

送李摯赴延陵令

歸陽美兼送劉八附皇甫曾
湖上孤帆別江南調官歸前程
行更遠臨水淚沾衣雲夢春生
遍滿湘客過稀武陵招我隱
歲晚向柴扉

清風季子邑想見下車時向水彈琴靜看山採菊遲
明君加印綬庶使託惇嫠旦暮華陽洞雲峰若有期
奉送裴員外赴上都

彤襜江上遠萬里詔書催獨過潯陽去空憐潮信迴
離心秋草綠揮手暮帆開想見秦城路人看五馬來
長沙桓王墓下別李紆張南史

長沙千載後春草獨萋萋流水朝將暮行人東復西
碑苔幾字滅山木萬株齊佇立傷今古相看惜解携
送侯御赴黔中充判官

不識黔中路今看遣使臣猿啼萬里客鳥似五湖人

古對李紆
白字
阮侍字宗
奉同

地遠官無法山深俗豈淳須令荒徼外亦解懼理輪
今日登吳公臺上寺遠眺寺即陳將吳明徹戰

場

古臺搖落後秋日望鄉心野寺來人一作來少雲峰隔

水一作水隔深夕陽依舊壘寒磬滿空林惆悵南朝事長

江獨至今

淮上送梁二恩命追赴上都

賈生年最少儒行漢庭聞拜手卷黃紙迴身謝白雲
故關無去客春草獨隨君森森長淮水東西自此分

送崔昇歸上都

對春詩缺以下缺六首

舊寺尋遺緒歸心逐去塵早鶯何處客古木幾家人
白髮經多難滄洲欲暮春臨期數行淚為爾一沾巾
過李將軍南鄭林園觀妓

期題作妓

郊原風日好百舌弄何頻小婦秦家女將軍天上人
鴉歸長郭暮草映大堤春客散垂楊下通橋車馬塵

六一作錄

送嚴侍御充東畿觀察判官

洛陽征戰後君去問凋殘雲月臨南至霜風向北寒
故園經亂久古木隔鄰看誰訪江城客年年守一官

月當作日

送王端公入奏赴上都

舊國無家訪臨岐亦羨歸途經百戰後客過二陵稀

秋草通征騎寒城背落暉行當蒙顧問吳楚歲頻饑

送營田判官鄭侍御起上都

起對本作赴

上國三千里西還及歲芳故山經亂在春日送歸長

曉奏趨雙闕秋成報萬箱幸論開濟力已實海陵倉

送李校書赴東浙幕府

校書工於朝墨

方從大夫後南去會稽行森森滄江外青青春草生
芸香辭亂事梅吹聽軍聲應訪王家宅空憐江水平

清明後登城眺望

風景清明後雲山睥睨前百花如舊日萬井出新烟
草色無空地江流合遠天長安在何處遙指夕陽邊

亂對本作賦

戰對本作

陪王明府泛舟

花縣彈琴暇，樵風載酒時。山含秋色近，鳥度夕陽遲。
出沒鳧成浪，蒙籠竹亞枝。雲峰逐人意，來去解相隨。

送度支留後若侍御之歙州便赴信州省覲

國用憂錢穀，朝推此任難。即山榆莢變，降雨稻花殘。
林響朝登嶺，江喧夜過灘。遙知驄馬色，應侍倚門看。

餘干夜宴奉餞前蘇州常使君

新安州作

復拜東陽郡，遙馳北闕心。行春五馬急，向夜一猿深。
山過康郎近，星看婺女臨。幸容棲託分，猶戀舊棠陰。

晚次苦竹館卻憶平越舊游

一作晚行次苦竹館

匹馬風塵色，千峰旦暮時。遙看落日盡，獨向遠山枝。
故驛花臨道，荒村竹映籬。誰憐却迴首，步步戀南枝。

送李二十四移家之江州

煙塵猶一作遙滿目，岐路易一作亦沾衣。逋一作遷客多南

渡，征一作春鴻自北飛。九江春草綠，一作東林古寺靜千里暮

潮歸。別後難一作誰相訪，全家隱釣磯。一作羨爾全家隱爐峰對掩扉

送盧判官南湖

漾舟仍載酒，愧爾意相寬。草色南湖綠，松聲小署寒。
水禽前後起，一作出花嶼往來看。已作滄洲調，無心戀

一官

送張栩扶侍之睦州

此公舊任建德令

遙憶新安舊扁舟復却還淺深看水石來往逐雲山
入縣餘花在過門故柳開東征隨子去皆隱薜蘿間

集梁耿開元寺所居院

到君幽卧處為我掃莓苔花雨晴天落松風終日來
路經深竹過門向遠山聞豈得長高枕中朝正用才

贈西鄰盧少府

籬落能相近漁樵偶復同苔封三徑絕溪向數家通

犬吠寒煙裏鷓鳴夕照中時因杖藜次

一作備因相

訪竹林東

遊休禪師雙峰寺

雙扉碧峰際遙向夕陽開飛錫方獨往孤雲何事來
寒潭映白月秋雨上青苔相送東郊外羞看驄馬回

解中見桃花南枝已開北枝未發因寄杜副端

何意同根本開花每後時應緣去日遠獨自發春遲

結實恩

一作應

難忘

一作望

無言恨豈知年光不可待空

羨向南枝

奉送盧員外之饒州

天書萬里至旌旆上江飛日向鄱陽近應看吳岫微
暮帆何處落潮水背人歸風土無勞問南枝黃葉稀

故字通本作
通不解
皆疑當改借
宋本誤同

事近本作
處不通

送處士歸州因寄林山人

陵陽不可見獨往復如何舊邑雲山裏扁舟來去過
鳥聲春谷靜草色太湖多儻宿荆溪夜相思漁者歌
移使鄂州次峴陽館懷惟舊居

多慙恩未報敢問路何長萬里通秋鴈千峰共夕陽
舊遊成遠道此去更違鄉草路深山裏朝朝落客裳

送齊郎中赴海州

華省占星動孤城望日遙直廬收舊草行縣及新苗
滄海天連水青山暮與朝閭閻幾家散應待下車招
重陽日鄂城樓送屈突司直

登高復送遠惆悵洞庭秋風景

水一作

同前古雲山滿

上游蒼蒼來暮雨淼淼逐寒流今日關中事蕭何共
爾憂

更被奏留淮南送從弟罷使江東

又作淮南客還悲木葉聲寒潮落瓜步秋色上蕪城
王事何時盡滄洲羨爾行青山將綠水惆悵不勝情
經漂母墓

昔賢懷一飯茲事已千秋古墓樵人識前朝楚水流
渚蘋行客薦山木杜鵑愁春草茫茫綠王孫舊此遊
送李端公赴東都

惟字疑衍
宋本有

抄本作露
宋本作路
自誤

軒轅征戰後江海別離長遠客歸何處平蕪滿故鄉
夕陽帆杳杳舊里樹蒼蒼惆悵蓬山下瓊枝不可忘
送王員外歸朝

往來無盡目離別要逢春海內惟多事天涯見近臣
芳時萬里客鄉路獨歸人魏闕心常在隨君亦向秦
送蔣侍御入秦

朝見及芳菲恩榮出紫微晚光臨仗奏春色共西歸
楚客移家老秦人訪舊稀因君鄉里去爲掃故園扉
洞庭驛逢郴州使還寄李湯司馬

洞庭秋水濶南望過衡峰遠客瀟湘裏歸人何處逢

孤雲飛不定落葉去無蹤莫使滄浪叟長歌笑爾容
送舍弟之鄱陽居

鄱陽寄家處自別掩柴扉故里何在滄波孤客稀
湖山春草遍雲木夕陽微南去逢迴鴈應憐相背飛
送裴二十端公使嶺南

蒼梧萬里路空見白雲來遠國知何在憐君去未迴
桂林無落葉梅嶺自花開陸賈千年後誰看朝漢臺
過桃花夫人廟

寂寞應千歲桃花想一枝路人看古木江月向空祠
雲雨飛何處山川是舊時獨憐春草色猶似憶佳期

鄂渚送池州程使君

蕭蕭五馬動欲別謝臨川落日蕪湖色空山梅冶一作
野煙江潮通解舍楚老拜戈船風化東南滿行舟來
去傳

送友人西上

羈心不自解有別會沾衣春草連天積五陵遠客歸
十年經轉戰幾處便芳菲想見函關路行人去亦稀

送梁郎中赴吉州

遙想廬陵郡還聽叔度歌舊官移上象新令布中和
看竹經霜少聞猿帶雨多但愁徵拜日無柰借留何

過湖南羊處士別業

一作來處
士別業

杜門成白首湖上寄生涯秋草蕪一作三徑寒塘獨

一家鳥歸村落盡水向縣城斜自有東籬菊年年解

作花

一作愛汝醒還
醉東籬菊正花

送河南元判官赴河南

御名

當苗稅充百官俸錢

春草長河曲離心共渺然方收漢家俸獨向汶陽田
鳥雀空城在榛蕪舊路還山東征戰苦幾處有人煙

夏中崔中丞宅見海紅搖落一花獨開

何事一花殘開庭百草闌綠滋經雨發紅艷隔林看
竟日餘香在過時獨秀難共憐芳意晚秋露未須團

向字此書
乃高宗時
奉也

海紅即海
棠紅

使還至菱陂驛渡瀨水作

清川已再涉疲馬共西還何事行人倦終年流水閑
孤煙飛廣澤一鳥向空山愁入雲峰裏蒼蒼閉古關

送齊郎中典括州

星象移何處旌麾獨向東勸耕滄海畔聽訟白雲中
樹色雙溪合猿聲萬嶺同石門康樂住幾里枉帆通
過隱空和尚故居

自從飛錫去人到沃州稀林下期何在山中春獨歸
踏花尋舊徑映竹掩空扉寥落東峰上猶堪靜者依
過蕭尚書故居見李花感而成詠

時近本外
不通
自白字以
定本缺以
抄本補校

手植已芳菲心傷故徑微往年啼鳥至今日主人非
滿地誰當掃隨風豈復歸空憐舊陰在門客共沾衣
送袁處士

閑田北川下靜者去躬耕萬里空江菹孤舟過郢城
種荷依野水移柳待山鶯出處安能問浮雲豈有情
酬李侍御登岳陽見寄

想見孤舟去無由此路尋暮帆遙在眼春色獨何心
綠水瀟湘闊青山鄂桂深誰當北風至為爾一開襟

獨近本外
動不通

唐劉隨州詩集卷第二

[Faint bleed-through text from the reverse side of the page]

唐劉隨州詩集卷第三

隨州刺史劉長卿

夏口送徐郎中歸朝

星象南宮遠風流上客稀
九重思曉奏萬里見春歸
棹發空江響城孤落日暉
離心與楊柳臨水更依依
鄂渚聽杜別駕彈胡琴

文姬留此曲千載一知音
不辭胡人語空留一作愁楚

客心聲隨邊草動意入隴雲深
何事長江上蕭蕭出塞吟

過鸚鵡洲王處士別業

白首此為漁青山對結廬問人尋野筍留客饋家蔬
古柳依沙發一作岸春苗帶雨鋤共憐芳杜色終日伴
閑居

寄萬州崔使君今欽

時艱方用武儒者任浮沉搖落秋江暮憐君巴峽深
立門多白首蜀郡滿青襟自解書生詠愁猿莫夜吟
送馬秀才移家京洛便赴舉

自從為楚客不復掃荆扉劍共丹誠在書隨白髮歸
舊遊經亂靜後進識君稀空把相如賦何人薦禮闈
送南特進赴歸行營

立題作丘
宋本誤同

歸下題有
脫字

聞道軍書至揚鞭不問家虜雲連白草漢月到黃沙
汗馬河源飲燒羗隴坻遮翩翩新結束去逐李輕車
送道標上人歸南岳

悠然倚孤棹却憶卧中林江草將歸遠湘山獨往深
白雲留不住涿水去無心衡岳千峰亂禪房何處尋
送梁侍御巡永州

蕭蕭江雨暮客散野亭空憂國天涯去思鄉歲暮同
到時猿未斷迴處水應窮莫望零陵路千峰萬木中
歲夜喜魏萬成郭夏雪中相尋

新年欲變柳舊客共霑衣歲夜猶難盡鄉春又獨歸

寒燈映虛牖暮雪掩閑扉且莫乘船去平生相訪稀
送蔡侍御赴上都

遲遲立駟馬久客戀瀟湘明日誰同路新年獨到鄉
孤煙向驛遠積雪去關長秦地看春色南枝不可忘
煙一作燈

晦日陪辛大夫宴南亭

月晦逢休澣年光逐宴移早鶯留客醉春日爲人遲
萸草全無葉梅花遍墜枝政閑風景好莫比峴山時
送獨孤判官赴嶺

伏波初樹羽待爾靜川鱗嶺海看飛鳥天涯問遠人

蒼梧雲裏夕青草嶂中春遙想文身國迎舟拜使臣

長沙館中與郭夏對雨

長沙積雨晦深巷絕人幽潤上春衣冷聲連暮角愁
雲橫全楚地樹暗古湘洲杳藹江天外空堂生百憂
陪辛大夫西亭宴觀妓

歌舞憐遲日旄麾映早春鶯窺隴西將花對洛陽人
醉罷知何事恩深忘此身任他行雨去歸路裊香塵
題萬成江亭

蕭條方歲晏牢落對空洲才出時人右家貧湘水頭
蒼山隱暮雪白鳥沒寒流不是蓮花府冥冥不可求

春過裴虬郊園

時裴不在因以寄之

郊原春欲暮桃杏落紛紛何處隨芳草留家寄白雲
聽鶯情念友看竹恨無君長嘯高臺上南風冀爾聞

送韋贇善使嶺南

欲逐

一作報

樓船將方安卉服夷炎洲經瘴遠春水上

瀧遲歲貢隨重譯年芳徧四時番禺靜無事空詠飲
泉詩

送喬判官赴福州

揚帆向何處插羽逐征東夷落人煙迥玉程鳥路通
江流田澗底山色聚閩中君去凋殘後應憐百越空

送李補闕之上都

獨歸西掖去難接後塵遊向日三千里朝天十二樓
路看新柳夕家對舊山秋惆悵離心遠滄江空自流

送袁明府之任

既有親人術還逢試吏年蓬蒿千里閉村樹幾家全
雪覆淮南道春生潁谷煙何時當位政相府待聞天

海鹽官舍早春

小邑滄洲吏新年白首翁一官如遠客萬事極飄蓬
柳色孤城裏鶯聲細雨中羈心早已亂何事更春風

南湖送徐二十七西上

事通本作里不通

宋本當字蒙位字闕疑作當報政位疑

家在橫塘曲那能萬里遠門臨秋水揜帆帶夕陽飛
傲俗宜紗帽干時倚布衣獨將湖上月相逐去還歸
曲阿對月別岑况徐說

金陵已蕪沒函谷復煙塵猶見南朝月還隨上國人
白雲心自遠滄海意相親何事湏成別汀洲欲暮春

送李侍御貶鄱陽

此公近由
此州使廻

廻車仍昨日謫去已秋風干越知何處雲山只向東
暮天江色裏田鶴稻花中却見鄱陽吏猶應舊馬驄

送路少府使東京便應制舉

時梁宋
初失守

故人西奉使胡騎正紛紛舊國無來信春江獨送君

五言凌白雪六翮向青雲誰念滄洲吏一作忘機鷗
鳥群

松江獨宿

洞庭初下葉孤客不勝愁明月天涯夜青山江上秋
一官成白首萬里寄滄洲久被浮名繫能無愧海鷗
尋白石山真禪師舊草堂

惆悵雲山暮閑門獨不開何時飛杖錫終日閉蒼苔
隔嶺春猶在無人燕亦來誰堪暝投處空復一猿哀
送行軍張司馬罷使廻

時危身赴敵事往任浮沉末路三江去當時百戰心

春風吳苑綠古木剡山深千里滄波上孤舟不可尋
喜李翰自越至

南浮滄海上萬里到吳臺久別長相憶孤舟何處來
春風催客醉江月向人開羨爾無羈束沙鷗猶不猜
罪所留繫寄張十四

不見君來久寃深意未傳冶長空得罪夷甫豈言錢
直道天何在愁容鏡亦憐因書欲自訴無淚可潸然
送勤照和尚往睢陽赴太守請

燃燈傳七祖杖錫爲諸侯來去雲無意東西水自流
青山春滿目白日夜隨舟知到梁園下蒼生賴此遊

長門怨

何事長門閉珠簾只自垂月移深殿早春向後宮遲
蕙草生閑地梨花發舊枝芳菲自恩幸者著被風吹
過橫顧山人草堂

只見山相揜誰言路尚通人來千嶂外犬吠百花中
細草香飄雨垂楊閑自風却尋樵徑去惆悵綠溪東
送李校書適越謁杜中丞

江風處處盡日暮水空波搖落行人去雲山向越多
陳蕃懸榻待謝客枉帆過相見耶溪路逶迤入薜蘿
秋夜雨中諸公過靈光寺所居

晤語青蓮舍重門閉夕陰向人寒燭靜帶雨夜鍾沉
一作深流水從他事孤雲任此心不能捐斗粟終日愧
瑤琴

西庭夜燕喜評事兄拜會

猶是南州吏江城又一春隔簾湖上月對酒眼中人
棘寺初銜命梅仙已誤身無心羨榮祿唯待却垂綸
尋南溪常山道人隱居

一路經行處

一作蒼

苔見履痕白雲依靜者春草閉

閑門過雨看松色隨山到水源溪花與禪意相對亦
忘言

揚州雨中張十宅觀奴

夜色帶

一作對

春煙燈花拂更燃殘粧添石黛豔舞落

金鈿掩笑頻歌扇迎歌乍動絃不知巫峽雨何事海
西邊

赴宣州使院夜宴寂上人留辭前蘇州常使君

白雲垂始願滄海有微波戀舊爭趨府臨危欲負戈
春歸花殿暗秋傍竹房多耐可機心息其如羽檄何
送薛承矩秩滿北遊

匹馬向何處北遊殊未還寒雲帶飛雪日暮鴈門關
一路傍汾水數州看晉山知君喜初服祗愛此身閑

宋本誤庭

者字近本
作者不通

遊字近本
作歸不通

錢別王十一南遊

望君煙水濶揮手淚沾巾飛鳥沒何處青山空向人
長江一帆遠落日五湖春誰見汀洲上相思愁白蘋

送嚴維尉諸暨

嚴即越州人

愛爾文章遠還家印綬榮退公無色養臨下帶鄉情
喬木映官舍春山宜縣城應憐釣臺石閑却為浮名

送李七之祚水謁張相公

惆悵青春晚慙慙濁酒壚後時長劍澁斜日片帆孤
東閣邀才子南昌老腐儒梁園舊相識誰憶卧江湖

送崔處士先適越

山陰好雲物此去又春風越鳥聞花裏曹娥想鏡中

小江潮易滿萬井水皆通徒羨扁舟客微官事不同

奉陪使君西庭送淮西魏判官

得山字

羽檄催歸恨春風醉別顏能邀五馬送自逐一星還

破竹從軍樂看花聽訟閑遙知用兵處多在八公山

獄中見壁畫佛

不謂銜冤處而能窺大悲獨棲叢棘下還見雨花時
地狹青蓮小城高白日遲幸親方便力猶畏毒龍欺

送許拾遺還京

萬里辭三殿金陵到舊居文星出西掖卿月在南徐

留別劉八附嚴維
中年從一尉自笑此身非道遠
甘微祿時艱心息機晨趨本
御府書偃故山扉但見干戈
畢何妨更採薇

故里驚朝服高堂捧詔書暫容乘駟馬誰許戀鱸魚
送張七判官還京觀省 大夫之子時初

春蘭方可採此去葉初齊函谷鶯聲裏秦山馬首西
庭闈新栢署門館舊桃蹊春色長安道相隨入禁闈
送孫瑩京監擢第歸蜀觀省

適賀一枝新旋驚萬里分禮闈稱獨步太學許能文
征馬望春草行人看暮雲遙知倚門處江樹正氛氲

送史九赴任寧陵兼呈單父史八時監察五兄

初入臺

趨府弟聯兄看君此去榮春隨千里道河帶萬家城

看字通存
作知不通

繡服棠花映青袍草色迎梁園脩竹在持贈結交情
卧病喜田九見寄

卧來能幾日春事已依然不解謝公意翻令靜者便
庭陰殘舊雪柳色帶新年寂寞深村裏唯君相訪偏
重邁宣峯寺山房寄靈一上人

西陵潮信滿島嶼入中流越客依風水相思南渡頭
寒光生極浦暮雪映滄洲何事揚帆去空驚海上鷗
雲門寺訪靈一上人

所思勞日夕惆悵去西東禪客知何在春山到處同
獨行殘雪裏相見白雲中請近東林寺窮年事遠公

初字下疑有
脫字

送陸羽之茅山寄李延陵

延陵衰草遍有路問茅山雞犬驅將去煙霞擬不還
新家彭澤縣舊國穆陵關處處逃名姓無名亦是閑

寄靈一上人初還雲門

寒霜白雲裏法侶自相携竹逕通城下松風隔水西
方同沃洲去不作武陵迷髣髴知心處高峰是會稽

寄靈一上人

高僧本姓竺門士舊名林一去春山裏千峰不可尋
新年芳草遍終日白雲深欲徇微官去懸知訝此心

送韓司直

遊吳還入越來往任風波復送王孫去其如春草何
岸明殘雪在潮滿夕陽多季子遺留廟停舟試一過

酬李郎中夜登蘇州城樓見寄

辛勤萬里道蕭索九秋殘日照閩中夜天凝海上寒
客程無地遠主意在人安遙寄登樓作空知行路難

送人遊越

未習風波事初為吳越遊露沾湖色曉月照海門秋
梅市門何在蘭亭水尚流西陵待潮處落日滿航舟

贈普門上人

支公身欲老長在沃洲多惠力堪傳教禪心久伏魔

連第卷与
宗本同對本
今入第四卷
何政云

門疑是關

此篇亦作皇
甫非

自送人遊越
至送張判官
羅使共十篇
宗本力屬修
板

宿洞雲觀 附皇甫冉
孤煙靈洞遠 積雪暮山寒
松柏凌高殿 莓苔封古壇
朱清夜久 仙去白雲殘
明月開金鏡 綠苔香入木蘭
計應有石皇甫冉注
復之在而存亦止矣

山雲隨坐夏江草伴頭陀借問迴心後賢愚去幾何
送康判官往新安

不向新安去那知江路長猿聲近廬霍水色勝瀟湘
驛路收殘雨漁家帶夕陽何須愁旅泊使者在輝光
送顧長

由來山水客復道向新安半是乘潮便全非行路難
晨衰林月在野飯浦沙寒巖子千年後何人釣舊灘
九日登李明府北樓

九日登高望蒼蒼遠樹低人煙湖草裏山翠縣樓西
霜降鴻聲切秋深客思迷無勞白衣酒陶令自相携

同諸公登樓

秋草行將暮登樓客思驚千家同霽色一鴈報寒聲
北望無鄉信東遊滯客行今君佩銅墨還有越鄉情
送友人南遊

不愁尋水遠自愛逐連山雖在春風裏猶從芳草間
去程何用計勝事且相關旅逸同群鳥悠悠往復還
送裴二十一

多病長無事開筵暫送君正愁帆帶雨莫望水連雲
客思閑偏極川程遠更分不須早晚惆悵又離群
送張判官罷使東歸

白首辭知己滄洲憶舊居
落潮迴野艇積雪卧官廬
范叔寒猶在周王歲欲除
春山數畝地歸去帶經鉏
早春

微雨夜來歇江南春色迴
本驚時不住還恐老相催
人好千場醉花無百日開
豈堪滄海畔為客十年來

送青苗鄭判官歸江西

三苗餘古地五稼滿秋田
來問周公稅歸輸漢俸錢
江城寒背日湓水暮連天
南楚凋殘後疲民賴爾憐

唐劉隨州詩集卷第三

唐劉隨州詩集卷第四

隨州刺史劉長卿

過包尊師山院

賣藥曾相識吹簫此復聞
杏花誰是主桂樹獨留君
漱玉臨丹井圍碁訪白雲
道經今為寫不慮惜鵝群
故女道士婉儀太原郭氏挽歌詞

作範宮闈睦歸真道藝超馭
風仙路遠背日帝宮遙
鸞殿空留處霓裳已罷朝
淮王哀不盡松栢但蕭蕭
其二

官禁恩長隔神仙道已分
人間驚早露天上失朝雲

逝水年無恨佳城日易曛
蕭聲將薤曲哀斷不堪聞
少年行

射飛誇侍獵行樂愛聯鑣
薦枕青蛾豔鳴鞭白馬驕
曲房珠翠合深巷管絃調
日晚春風裏衣香滿路飄
歸弋陽山居留別盧邵二侍御

渺渺歸何處沿流附客船
久依鄱水住頻輓越人田
偶俗機偏少安閑性所便
祇應君少慣又欲寄林泉
赴江西湖上贈皇甫曾之宣州

莫恨扁舟去川途我更遙
東西潮渺渺離別雨蕭蕭
流水通春谷青山過板橋
天涯有來客遲爾訪漁樵

湘中紀行十首

湘妃廟

荒祠古木暗寂寂此江濱
未作湘南雨知爲何處雲
苔痕斷珠履草色帶羅裙
莫唱迎仙曲空山不可聞
斑竹巖

蒼梧在何處斑竹自成林
點點留殘淚枝枝寄此心
寒山響易滿秋水影偏深
欲覓樵人路蒙籠不可尋

洞山陽

舊日仙成處荒林客到稀
白雲將犬去芳草任人歸
空谷無行徑深山少落暉
桃園幾家住誰爲掃荆扉

雲母溪

雲母映溪水溪流知幾春
深藏武陵客時過洞庭人
白髮慚皎鏡清光媚齋淪
冢寡古松下歲晚掛頭巾
赤沙湖

茫茫葭菼外一望一霑衣
秋水連天闊潯陽何處歸
沙鷗積暮雪川日動寒暉
楚客來相問孤舟泊釣磯
秋雲嶺

山色無定姿如煙復如黛
孤峰夕陽後翠嶺秋天外
雲起遙蔽虧江迴頻向背
不知今遠近到處猶相對
花石潭

江楓日搖落轉愛寒潭靜
水色淡如空山光復相映
人閑流更慢魚戲波難定
楚客往來多偏知白鷗性

石圍峰

前山帶秋色獨往秋江晚
疊嶂入雲多孤峰去人遠
寅緣不可到蒼翠空在眼
渡口問漁家桃源路深淺
浮石瀨

秋月照瀟湘月明聞盪槳
石橫晚瀨急水落寒沙廣
衆嶺猿嘯重空江人語響
清暉朝復暮如待扁舟賞
橫龍渡

空傳古岸下曾見蛟龍去
秋水晚沈沈獨疑在何處

亂聲沙上石倒影雲中樹獨見一扁舟樵人往來渡
雜詠八首 上禮部李侍郎

幽琴

月色滿軒白琴聲宜夜闌颺颺青絲上靜聽松風寒
古調雖自愛今人多不彈向君投此曲所貴知音難

晚桃

四月深澗底桃花方欲然寧知地勢下遂使春風偏
此意頗堪惜無言誰爲傳過時君未賞空媚幽林前
疲馬

玄黃一疲馬筋力盡胡塵驤首北風夕徘徊鳴向人

誰憐棄置久却與駑駘親猶戀長城外青青寒草春
春鏡

寶鏡凌曙開含虛淨如水獨懸秦臺上萬象清光裏
豈慮高鑿偏但防流塵委不知娉婷色回照今何似
古劍

龍泉閑古匣苔蘚淪此地何意久藏鋒翻令世人棄
鐵衣今正澁寶刃猶可試儻遇拂拭恩應知剗犀利

舊井

舊井依舊城寒水深洞徹下看百餘尺一鏡光不滅
素縷久未垂清涼尚含潔豈能無汲引長訝君恩絕

寒鏡作春

虛字通作

及字通作

白鷺

亭亭常獨立川上時延頸秋水寒白毛夕陽吊孤影
幽姿閑自媚逸翮思一騁如有長風吹青雲在俄頃

寒缸

向夕燈稍進空堂彌寂寞光寒對愁人時復一花落
但恐明見累何愁暗難托戀君秋夜永無使蘭膏薄

寄李侍御

舊國人未歸芳洲草還碧年年湖上亭悵望江南客
驄馬入關西白雲獨何適相思煙水外唯有心不隔

晚泊湘江懷故人

天涯片雲去遙指帝鄉憶惆悵增暮情瀟湘復秋色
扁舟宿何處落日羨歸翼萬里無故人江鷗不相識

過鄔三湖上書齋

何事東南客忘機一釣竿酒香開甕老湖色對門寒
向郭青山送臨池白鳥看見君能浪跡予亦厭微官

從軍 六首

迴首虜騎合城下漢兵稀白刃兩相向黃雲愁不飛
手中無尺鐵徒欲穿重圍
目極鴈門道青青邊草春一身事征戰匹馬同辛勤
末路成白首功歸天下人

自此首起至
送立為赴上
都入此卷宗
奉同對奉入
第一卷江中
對月波何改
正涉江

倚劍白日暮望歸登戍樓北風吹羌笛此夜關山愁
迴首不無意滹河空自流
黃沙一萬里白首無人憐報國劍已折歸鄉身幸全
單于古臺下邊色寒蒼然
落日更蕭條北風動枯草將軍追虜騎夜失陰山道
戰敗仍樹勳韓彭但空老
秋草秋塞上望見漁陽郭胡馬嘶一聲漢兵淚雙落
誰為吮瘡者此事今人薄

龍門八詠

秋山日搖落秋水急波瀾獨見魚龍氣長令煙雨寒

誰窮造化力空向兩崖看

水東渡

山葉傍崖赤千峰秋色多夜泉發清響寒渚生微波
稍見沙上月歸人爭渡河

福公塔

寂寞對伊水經行長未還東流自朝暮千載空雲山
誰見白鷗鳥無心洲渚間

遠公龕

松路向精舍花龕歸老僧閑雲隨錫杖落日低金繩
入夜翠微裏千峰明一燈

石樓

隱隱見花閣隔河映青林
水田秋鴈下山寺夜鍾深
寂寞群動息風泉清道心

下山

誰識往來意孤雲長自閑
風寒未渡水日暮更看山
木落衆峰出龍宮蒼翠間

水西渡

一作西渡水

伊水搖鏡光纖鱗如不隔
千龕道傍古一鳥沙上白
何事還一作閑山雲一作寒能留向城客

渡水

日暮下山來千山暮鍾發
不知波上棹還弄山中月
伊水連白雲東南遠明滅

月下聽砧

夜靜掩寒城清砧發何處
聲聲搗秋月腸斷盧龍戍
未得一作有寄征人愁霜復愁露

送丘為赴上都

帝鄉何處是岐路空垂泣
楚思愁暮多川程帶潮急
潮歸人不歸獨向空塘立

題大理黃主簿湖上高齋

閉門湖水畔自與白鷗親
竟日窓中岫終年林下人

俗輕儒服弊家厭法官貧多雨茅簷夜空洲草徑春
桃源君莫愛且作漢朝臣

平番曲 三首

吹角報番營廻軍欲洗兵已教清海外自築漢家城

其二

渺渺戍煙孤茫茫寒草枯隴頭那用閉萬里不防胡

其三

絕漠大軍還平沙獨戍閑空留一片石萬古在燕山

送鄭說之歙州謁薛侍郎

漂泊來千里謳謠滿百城漢家尊太守魯國重諸生

此三首入此與
宋本同對
入第一卷
芝州改何改
云涉江

諸字通本
作儒不通

俗變人難理江傳水至清船經危石住路入亂山行
老得滄洲趣春傷白首情嘗聞馬南郡門下有康成
題獨孤使君湖上林亭

出樹倚朱闌吹鏡引上宮老農持鋪拜時稼捲簾看
水對登龍淨山當建隼寒夕陽湖草動秋色渚田寬
渤海人無事荊州客獨安謝公何足比來往右門難

酬李使君見贈

滿鏡悲華髮空山寄此身白雲家自有黃卷業長貧
懶任垂竿老狂因釀黍春桃花迷聖代桂樹狎幽人
幢蓋方臨郡柴荆忝作鄰但愁千騎至石路却生塵

水下宋本
缺一字
石宗本誤
古

清當作有字本誤同

附嚴註

贈別
早見登郎署同時跡下僚幾年
江路水今日國內遠文靈駭人
體官移漢帝朝望山吟度日
接批註通朝青萬里起公府
孤帆恨信朝匡時知己老聖
代此進克

嶺下臥疾寄劉自外州已佳
唯有貧將病能令親愛疎
時似放逐身世付空虛
秋添絮頭風梳梳波瀾喧
梁口蔡靈靜吾盧表馬思開
卦占鶴崗數書十年江海隔
難恨予知予

送嚴維赴河南充嚴中丞幕府

久別耶溪客來乘使者軒
用才榮入幕扶病喜同樽
山展留何處江帆去獨翻
暮情辭鏡水秋夢識雲門
蓮府開花萼桃園寄子孫
何當舉嚴助徧沐漢朝恩
酬包諫議見寄之什

佐郡愧頑疎殊方親里閭
家貧寒未度身老歲將除
過雪山僧至依陽野客舒
藥陳隨遠宦梅登對幽居
落日棲鴉鳥行人遺鯉魚
高文不可和空愧學相如
棲霞寺東峰尋南齊明徵君故居

山人今不見山鳥自相從
長嘯辭明主終身卧此峰

漢川若可涉水清石磷磷
天涯遠鄉婦月下孤舟人
長沙早春雪後臨湘水呈同遊諸子

汀洲暖漸綠煙景淡相和
舉目方如此歸心豈奈何
日華浮野雪春色染湘波
北渚生芳草東風變舊柯
江山古思遠猿鳥暮情多
君問漁人意滄浪自有歌

自道林寺西入石路至麓山

寺過法崇禪師故居

山僧候谷口石路拂莓苔
深入泉源去遙從樹杪回
香隨青靄散鍾過白雲來
野雪空齋掩山風古殿開
桂寒知自發松老問誰栽
惆悵湘江水何人更渡杯
和袁郎中破賊後軍行過劉中山水謹上太尉

劉宋本誤

注本係新

贈別 附嚴維

早見登郎署同時跡下僚幾年
江路水今日國門遙文聖驗人
體官移漢帝朝望山吟度日
接批註通解實萬里起公
孤帆恨信朝匡時知己老
代此述克
嶺下臥疾寄劉自外附
唯有貧將病能全親愛味
時似放逐身世付空虛
秋添絮頭風梳廢梳波瀾
梁口暮蒼靜吾廬長馬思
卦占鴉懶散書十年江
離恨于知子

送嚴維赴河南充嚴中丞幕府

久別邗溪客來乘使者軒
用才榮入幕扶病苦同樽

山房^{一作}何處江帆去獨翻
暮情辭鏡水秋夢識雲門

蓮花^{一作}開花^{一作}桃園寄子孫
何當舉嚴助徧沐漢朝恩

酬包^{一作}孫^{一作}議見寄之什

傷^{一作}郡愧^{一作}福^{一作}疏^{一作}老
親里閭家貧寒未度身
老歲將除

過雪山僧至依陽野客舒
藥陳隨遠宦梅登對幽居

落日棲鴉鳥行人遺鯉魚
高文不可和空愧學相如

棲霞寺東峰尋南齊明徵君故居

山人今不見山鳥自相從
長嘯辭明主終身卧此峰

漢川若可涉水清石磷磷
天涯遠鄉婦月下孤舟人

長沙早春雪後臨湘水呈同遊諸子

汀洲暖漸渌煙景淡相和
舉目方如此歸心豈奈何

日華浮野雪春色染湘波
北渚生芳草東風變舊柯

江山古思遠猿鳥暮情多
君問漁人意滄浪自有歌

自道林寺西入石路至麓山

寺過法崇禪師故居

山僧候谷口石路拂莓苔
深入泉源去遙從樹杪回

香隨青靄散鍾過白雲來
野雪空齋掩山風古殿開

桂寒知自發松老問誰栽
惆悵湘江水何人更渡杯

和索郎中破賊後軍行過劉中山水謹上太尉

劉宋本誤

宋本作

即李光弼

刻路除荆棘王師罷鼓鼙農歸滄海畔圍解赤城西
赦罪春陽發收兵太白低遠峰來馬首橫笛入猿啼
蘭渚催新幄桃源識故蹊已聞開閣待誰許卧東溪

送鄭十二還廬山別業

潯陽數畝宅歸卧掩柴關谷口何人待一作門前秋
草閑忘機賣藥罷無語杖藜還舊筍成寒竹空齋向
暮山水流經舍下雲去到人間桂樹花應發因行寄
一攀

至饒州尋陶十七不在寄贈

謫宦投東道逢君已北轅孤蓬向何處五柳不開門
去國空迴首懷賢欲訴冤梅枝看嶺嶠竹路過湘源
月下高秋鴈天南獨夜猿離心與流水萬里共朝昏

奉陪鄭中丞自宣州解印與諸姪宴餘干後谿

跡遠一作心遠一作意愜觀親魚鳥功成厭鼓鼙林中阮生集

一作阮家醉池上謝公題戶牖垂藤合藩籬插槿齊

一本無此二句一作門徑蒼苔合窓陰夕陽山向背

春一作秋草水東西度雨諸峰出看花幾路迷一作高

迷何勞問秦漢更入武陵谿後四句一本作舊架懸

不可到誰羨武陵溪塵一作煙

唐劉隨州詩集卷第四

唐劉隨州詩集卷之五

隨州刺史 劉長卿

同諸公袁郎中宴筵喜加章服

手詔來筵上腰金向粉闈
勳名傳舊閣蹈舞着新衣
白杜同遊在滄洲此會稀
寒笳發後殿秋草送西歸
世難常摧敵時閑已息機
魯連功可讓千載一相揮

毗陵送鄒結先赴河南充判官

王事相逢少雲山奈別何
芳年臨水怨瓜步上湖過
客路方經楚鄉心共渡河
凋殘春草在離亂故城多
罷戰逢時泰輕徭佇俗和
東西此分手惆悵恨煙波

湖宋本誤

連上

送徐大夫赴廣州

上將壇場拜南荒羽檄招遠人來百越元老事三朝
霧繞龍山暗山連象郡遙路分江淼淼軍動馬蕭蕭
盡角知秋氣樓船逐暮潮當今輸貢賦不使外夷驕

九日蔡國公主樓

主第人何在重陽客暫尋水餘龍鏡色雲罷鳳簫音
暗牖藏昏曉蒼苔換古今晴山卷幔出秋草閉門深
籬菊仍新吐庭槐尚舊陰年年畫梁燕來去豈無心

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草憶佳期

晚景千峰亂晴江一鳥遲桂香留客處楓暗泊舟時
舊石曹娥篆空山夏禹祠剡谿多隱吏君去道相思

奉餞元侍郎加豫章採訪兼賜章服

時初州亦初停節度

任重兼烏府時平偃豹韜澄清湘水變分別楚山高
花對彤襜發霜和白雪操黃金裝舊馬青草換新袍
嶺暗猿啼月江寒鷺映濤豫章生字下無使翳蓬蒿

奉餞郎中四兄罷餘杭太守承恩加侍御史充

行軍司馬赴汝南行營

星使三江上天波萬里通權分金節重恩借鐵冠雄
梅吹前軍發棠陰舊府空殘春錦障外初日羽旗東

岸柳遮浮鷁江花隔避驄離心在何處芳草滿吳宮

送賈侍御克復後入京一作江南送賈侍御入京

對酒心不樂見君動行舟回看暮帆隱獨向空江愁

晴雲淡初夜春塘深慢流温顏風霜霽喜氣煙塵收

馳驅數千里朝天十二樓因云報親愛白髮生滄洲

會稽王處士草堂壁畫衡霍諸山一本十四句故附增于內

粉壁一作衡霍近群峰如可攀能令堂上客見

盡湖一作南山青翠數千仞飛來方丈間歸

雲無處滅去鳥何時還勝事日相對主人常獨閑稍

看林壑晚一作青陰佳氣生重關一本增頗與宿心會看看慰愈顏二

句

惠福寺與陳留諸官茶會得西字

到此機事遣自嫌塵網迷因知萬法幼盡與浮雲齊

踈竹映高枕空花隨杖藜香飄諸天外日隱雙林西

傲吏方見狎真僧幸相携能令歸客意不復還東溪

金陵西泊舟臨江樓

蕭條金陵郭舊是帝王州日暮望鄉處雲邊江樹秋

楚雲不可託楚水只堪愁行客千萬里滄波朝暮流

迢迢洛陽夢獨卧清川樓異鄉共如此孤帆難久遊

題靈祐上人法華院木蘭花其樹嶺南移植此地

庭種南中樹年華幾度新已依初地長獨發舊園春
映日成華蓋搖風散錦茵色空榮落處香醉往來人
菡萏千燈遍芳非一雨均高柯儻爲楫渡海有良因
送嚴維宅送包佶

江湖同避地分首自依依盡室今爲客驚秋空念歸
歲儲無別墅寒服羨隣機草色村橋晚蟬聲江樹稀
夜深宜共醉時難忍相違何事隨陽鴈汀洲忽背飛

送從弟貶袁州

何事成遷客思歸不見鄉遊兵經萬里弔屈向三湘
水與荆巫接山通鄢郢長名羌黃綬繫身是白眉郎

獨結南枝恨應思北雁行憂來沽楚酒左鬢莫疑霜
無錫東郭送友人遊越

客路風霜曉郊原春興餘平蕪不可望遊子去何如
煙水乘湖闊雲山逼越初舊都懷作賦古穴覓藏書
碑缺曹娥宅林荒逸少居江湖無限意非獨爲樵漁
送邵州判官往南

看君發原隰駟牡志皇皇始罷滄江令還隨粉署郎
海沂軍未息河兗歲仍荒征稅人全少榛蕪虜近亡
新知行宋遠相望隔淮長早晚裁書寄銀鈎佇八行
出豐縣界寄韓明府

迴首古原上未能辭舊鄉西風收暮雨隱隱分芒碭
賢友此爲邑冷名滿徐方音容想在眼暫若升琴堂
疲馬顧春草行人看夕陽自非傳尺素誰爲論中腸

別陳留諸官

戀此東道主能令西上遲徘徊暮郊別惆悵秋風時
上國邈千里夷門難再期行人望落日歸馬嘶空陂
不愧寶刀贈維懷瓊樹枝音塵倘未接夢寐徒相思
觀李湊所畫美人障子

愛爾含天姿丹青有殊智無間已得象象外更生意
西子不可見千載無重還空令浣沙態猶在含毫間

沙當作紗

一笑豈易得雙蛾如有情窓風不舉袖但覺羅衣輕
華堂翠幕春風來內閣金屏曙色開此中一見亂人
目只疑行到雲陽臺

送史判官奏事之靈武兼寄巴西親故

中州日紛梗天地何時泰獨有西歸心遙懸夕陽外
故人奉章奏此去論利害陽鴈南渡江征驂去相背
因君欲寄遠何處問親愛空使滄洲人相思減衣帶
自鄱陽還道中寄褚徵君

南風日夜起萬里孤帆樣元氣連洞庭夕陽落波上
故人煙水隔復此遙相望江信久寂寥楚雲獨惆悵

此對本作比

愛君清川口弄月時掉唱白首無子孫一生自踈曠

石梁湖陸蕪

故人千里道滄波一年別夜上明月樓相思楚天濶
瀟瀟清秋暮嫋嫋涼風發湖色淡不流沙鷗遠還滅
煙波日已遠音問日已絕歲晏空含情江臯綠芳歇
送沈少府之任淮南

惜君滯南楚枳棘徒棲鳳獨與千里帆春風遠相送
此行山水好時物亦應衆一鳥飛長淮百花滿雲夢
相期丹霄路遙聽清風頌勿爲州縣卑時來自爲用

嚴子瀨東送馬處直歸蘇

望君舟已遠落日潮未退目送滄海帆人行白雲外
江中遠回首波上生微靄秋色姑蘇臺寒流子陵瀨
相送苦易散動別知難會從此日相思空令減衣帶

宿懷仁縣南湖寄東海荀處士

向夕歛微雨晴開湖上天離人正惆悵新月愁嬋娟
佇立白沙曲相思滄海邊浮雲自來去此意誰能傳
一水不相見千峰隨客船寒塘起孤鴈夜色分鹽田
時復一延首憶君如眼前

初至洞庭懷灞陵別業

長安邈千里日夕懷雙闕已是洞庭人猶有灞陵月

誰堪去鄉意親戚想天末昨夜夢中歸煙波覺來潤
江臯見芳草孤客心欲絕豈訝青春來但傷經時別
長天不可望鳥與浮雲沒

題蕭郎中開元寺新構幽寂亭

康樂愛山水賞心千載同結茅依翠微伐木開蒙籠
孤峰倚青霄一徑去不窮候客石苔上禮僧雲樹中
曠然見滄洲自遠來清風五馬留谷口雙旌薄煙虹
沈沈衆香積眇眇諸天空獨往應未遂蒼生思謝公

同姜濟題裴式微餘干東齋

世事終成夢生涯欲半過白雲心已矣滄海意如何

藜杖全吾道榴花養太和春風騎馬醉江月釣魚歌
散秩者蟲蠹開門見雀羅遠山終日在芳草傍人多
吏體莊生傲方言楚俗訛屈平君莫吊腸斷洞庭波

贈元容州

擁旌臨合浦上印卧長沙海徼長無戍湘山獨種畬
政傳通歲貢才惜過年華萬里依孤劍千峰寄一家
累徵期旦暮未起戀煙霞避世歌芝草休官醉菊花
舊遊如夢裏此別是天涯何事滄波上漂漂逐海槎

夏口送長寧楊明府歸荆南因寄幕府諸公

關西楊太尉千載德猶聞白日俱終老清風獨至君

身承遠祖遺

一作後

才出衆人群舉世貪荆玉全家戀

楚雲向煙帆杳杳臨水葉紛紛草覆招丘綠江從夏

口分高名光盛府異姓寵殊勲百越今無事南征欲

罷軍

奉和杜相公新移長興宅呈元相公

間世生賢宰同心奉至尊功高開北第機靜灌中園
入並蟬冠影歸分騎士喧窓聞漢宮漏家識杜陵源
獻替常焚橐優閑獨對萱花香逐荀令草色對王孫
有地先開閣何人不掃門江湖難自退明主託元元

湖南使還留辭辛大夫

王師勞近甸兵食仰諸侯天子無南顧元勲在上游
大才生間氣盛業極橫流風景隨搖筆山川入運籌
羽觴交餞席旄節對歸舟鶯識春深恨猿知日去愁
別離花寂寂南北水悠悠唯有家兼國終身去所憂

泛曲阿後湖簡同遊諸公

元氣浮積水沉沉深不流春風萬頃綠映帶至徐州
爲客難適意逢君方暫遊黃緣白蘋際日暮滄浪舟
渡口微月進林西殘雨收水雲去仍濕沙鶴鳴相留
且習子陵隱能忘生事憂此中深有意非爲釣魚鉤

北遊酬孟雲卿見寄

連第五卷
上宋本同

極當極

宋本在宿
懷仁縣寄
荀處士後

忽忽忘前事事願能相垂衣馬日羸弊誰辨行與才
善道居貧賤潔服蒙塵埃行行無定止慄坎難歸來
慈母憂疾疢室家念棲菜幸君夙姻親深見中外懷
俟子惜時節悵望臨高臺
冬夜宿揚州開元寺烈公房送李侍御之江東
遷客投百越窮陰淮海凝中原馳困獸萬里棲饑鷹
寂寂連宇下愛君心自弘空堂來霜氣永夜清明燈
發後望煙水相思勞寢興暮帆背楚郭江色浮金陵
此去爾何恨近名予未能爐峰若便道爲訪東林僧

南楚懷古

南國久蕪沒我來空鬱陶君看章華宮處處生蓬蒿
但見陵與谷豈知賢與豪精魂托古木寶劍捐江臯
荷棹下晴景回舟隨晚濤碧雲暮寥落湖上秋天高
往事那堪問此心徒自勞獨餘湘水上千載聞離騷

上湖田館南樓憶朱晏

漂泊日復日洞庭今更秋白雲如有意萬里望孤舟
何事愛成別空令登此樓天光映波動月影隨江流
鶴唳靜寒渚猿啼深夜洲歸期誠已促清景仍相留
頃者慕獨往爾來悲遠遊風波自此去桂水空離憂

送姚八之句容舊任便歸江南

一本作送姚八歸江南

故人還水國春色動離憂碧草千萬里滄江朝暮流
桃花迷舊路萍葉蕩歸舟遠戍看京口空城問石頭
折芳佳麗地望月西南樓
誰家過楚老何處戀江鷗尺素能相報湖山若箇憂

睢陽贈李司倉

白露變時候蒼聲暮啾啾飄飄洛陽客惆悵梁園秋
只為乏生計爾來成遠遊一身不家食萬事從人求
且喜接餘論足堪資小留寒城落日後砧杵令人愁
歸路歲時盡長河朝夕流非君深意願誰復能相憂
杪秋洞庭中懷亡道士謝太虛

三月三日寒食從劉八文使
君登遷仁樓眺望
從公無大小在伴樂人賢楚國
逢萊歲隨人若有年空波交水
增重地夫舍田桑柘溫風軟雲
霞返照鮮因高寺刹迴臨遠郡
樓偏花柳清明節親看土之
故鄉惟有暗春雁獨歸邊字望
山陰客為文內史前

漂泊日復日洞庭今更秋青楓亦何意此夜催人愁
惆悵客中月徘徊江上樓心知楚天遠目送滄波流
羽客久已歿微言無處求空餘白雲在容與隨孤舟
千里香難望一身當獨遊故園復何許江海徒遲留

同郭參謀詠崔僕射淮南節度使廳前竹

一作和郭

參謀詠崔令
公憲前侍

昔種梁王苑今移漢將壇

一作不學媚清
澗能依上將壇

蒙籠低冕

過青翠捲簾看得地移根遠經霜抱節難開花成鳳

實嫩筍長魚竿藹藹軍容靜蕭蕭郡宇寬細音和角

暮踈影上門寒湘浦何年變山陽幾處殘

一作阮巷
何人在梁

雨崖

園幾不知軒屏側歲晚對素安

破石遇雨宴前主簿從兄子英宅

縣城蒼翠裏客路兩開破石雲漠漠

對本作凄
煙雨來

吾兄此為吏薄宦知無媒方寸抱秦鏡聲名傳楚材

折腰五斗間僂俛隨塵埃秩滿少餘俸家貧仍散財

誰言次東道暫預傾金纍雖欲少留此其如歸限催

江中晚釣寄荆南一二相識

一作西江雨後
憶荆南諸公

楚郭微雨收荆門送

一作
看

在日漾舟水雲裏日暮春

江綠霽華靜洲渚暝

一作
夜

色連松竹月出波上

時人歸渡頭宿一身已無累萬事更何欲漁父自夷

猶一作
黃緣白鷗不羈束既憐滄浪水復一作
更愛滄浪曲

不見眼中人相思心斷續一作
垂釣看世
人那知此生足

九日岳陽待黃遂張渙

別君頗已久離念與時積楚水空浮煙江樓望歸客

徘徊正佇想髮髯如暫覲心目徒自親風波尚相隔

青林泊舟處猿鳥愁孤驛遙見郭外山蒼然雨中夕

季鷹久踈曠叔度早疇昔反棹來何遲黃花候君摘

五卷止此
宋本同

義門先生云康熙丙戌二月得見文淵閣不全隨州集按此五卷
南宋書棚本也又云毛文斧云隨州集難得在宋本此校三過

庶無疎略矣

平瀾入剡湖... 青林出... 將臨... 既... 日...

唐劉隨州詩集卷第五

...

